

書叢

韻

樓刊

玉臺新詠

圖書在版編目(CIP)數據

玉臺新咏/(梁)徐陵編. —上海:上海古籍出版社,
2005. 5

(書韻樓叢刊第三輯)

ISBN 7-5325-3952-0

I. 玉... II. 徐... III. 古典詩歌—作品集—中國 IV. I222

中國版本圖書館 CIP 數據核字(2005)第 001112 號

書韻樓叢刊(第三輯)

玉臺新咏 [梁] 徐陵編

創意策劃 趙昌平 李保民

版式設計 李保民

出版發行 上海古籍出版社

(上海瑞金二路二七二號 郵政編碼 200002)

(一) 網址: www.guji.com.cn

(二) E-mail: guji@guji.com.cn

(三) 易文網網址: www.ewen.cc

發行經銷 新華書店上海發行所

杭州蕭山古籍印務有限公司

700 乘一三八〇毫米 二四開

一〇又二四分之六

二〇〇五年五月第一版第一次印刷

一—一〇〇〇

ISBN 7-5325-3950-0/I·1752

三十五元

玉臺新詠卷之六

古意

吳均

匈奴數欲盡。僕在玉門關。蓮花穿劒鐔。秋月掩刀環。春機鳴窈窕。夏鳥思綿蠻。中人坐相望。狂夫終未還。

採桑

賤妾思不堪。採桑渭城南。帶減連枝綉。髮亂鳳皇簪。花舞依長薄。蛾飛愛綠潭。無由報君信。流涕向春蠶。

梅花落

終冬十二月。寒風西北吹。獨有梅花落。飄蕩不依枝。流連逐霜彩。散漫下冰澌。何當與君日。共映芙蓉池。

與柳惲相贈答六首

黃鸝飛上苑。綠芷出河洲。日映昆明水。春生乾鵲樓。飄颻白花舞。瀾
漫紫萍流。書織迴文錦。無因寄隴頭。思君甚瓊樹。不見方離憂。
鳴鞭適大阿。聯翩渡漳洺。燕姬及趙女。挾瑟夜經過。纖腰曳廣袖。半
額畫長蛾。客本倦游者。箕箒在江沱。故人不可棄。新知空復何。
離君苦無樂。回暮心悽悽。要途訪趙使。聞君仕執珪。杜蘅色已發。菖
蒲葉未齊。羃屨蠶餌繭。差池燕吐泥。願逐東風去。飄蕩至遼西。
白日隱城樓。勁風掃寒木。離杼隔東西。執手異涼燠。相思咽不言。洞
房清且肅。歲去甚流烟。時來如轉軸。別鶴千里飛。孤雌夜未宿。
閨房宿已靜。落月有餘輝。寒虫隱壁思。秋蛾繞燭飛。絕雲斷更合。離
鴻去復歸。佳人今何在。迢遞江之沂。一爲別鶴棄。千里淚沾衣。
秋雲靜。晚天寒。夜方綿綿。聞君吹急管。相思雜採蓮。別離未幾日。高
月三成弦。蹀躞疊黃河浪。嘶昌隴頭蟬。寄書薜蘿葉。插着叢臺邊。

擬古四首

陌上桑

嫋嫋陌上桑。蔭陌復垂塘。長條映白日。細葉隱鸝黃。蠶飢妾復思。拭淚且提筐。故人寧知此。離恨煎人腸。

秦王卷衣

咸陽春草芳。秦帝卷衣裳。玉檢茱萸匣。金泥蘇合香。初芳薰複帳。餘輝曜玉堂。當須宴朝罷。持此贈華陽。

採蓮

錦帶雜花鈿。羅衣垂綠川。問子今何去。出採江南蓮。遼西三千里。欲寄無因緣。願君早旋返。及此荷葉鮮。

攜手

艷裔陽之春。攜手清洛濱。雞鳴上林花。薄暮小平津。長裙薄白日。廣

袖葉芳塵。故交一如此。新知詎憶人。

贈杜容成

一燕海上來。一燕高臺息。一朝所逢過。依然舊所識。問我來何遲。山川幾紆直。答言海路長。風多飛無力。昔別縫羅春。衣風初入帷。今來夏欲曉。桑蛾薄樹飛。

春詠

春從何處來。拂衣復驚梅。雲障青瑣闥。風吹承霧臺。美人隔千里。羅幃閉不開。無由得共語。空對相思杯。

去妾贈前夫

棄妾在河橋。相思復相遼。鳳凰簪落髮。蓮花帶緩腰。腸從別處斷。貌在淚中消。願君憶疇昔。片言時見饒。

詠小年

楊慎曰。起句之妙。可以爲法。
升庵詩話
沈德潛曰。一起飄逸。古詩源

董生唯巧笑。子都信美目。百萬市一言。千金買相逐。不道參差菜。詣諭窈窕淑。願君捧繡被。來就越人宿。

春怨

四時如湍水。奔飛競迴復。夜鳥響嚶嚶。朝花照煜煜。厭見花成子。多看筍成竹。萬里斷音書。十載異棲宿。積愁落芳鬢。長啼壞美目。君去往榆關。妾留住亟谷。唯對昔耶房。如鬼蜘蛛屋。獨喚響相酬。還時影自逐。象牀易氍毹。羅衣變單複。幾度過風霜。猶能保瑯獨。

月夜詠陳南康新有所納

二八人如花。三五月如鏡。開簾一種色。當戶兩相映。重價出秦韓。高名入燕鄭。十城屢請笏。千金幾爭騁。君意自能專。妾心本無競。

見貴者初迎盛姬聊爲之詠

久想專房麗。未見傾城者。千金訪繁華。一朝遇容冶。家本薊門外。來

戲叢臺下。長卿幸未匹。文君復新寡。

與司馬治書同聞隣婦夜織

洞房風已激。長廊月復清。藹藹夜庭廣。飄飄曉帳清。雜聞百虫思。偏傷一息聲。鳥聲長不息。妾心復何極。猶恐君無衣。夜夜當窗織。

夜愁

簷露滴爲珠。池水合成壁。萬行朝淚瀉。千里夜愁極。孤帳閉不開。寒膏盡復益。誰知心眼亂。看朱忽成碧。

春閨有怨

愁來不理鬢。春至更攢眉。悲看蛺蝶粉。泣望蜘蛛絲。月映寒蛩褥。風吹翡翠帷。飛鱗難托意。馱翼不綴思。

擣衣

足傷金管處。多愴綈光促。下機驚西眺。鳴砧遽東旭。芳汗似蘭湯。彫

金辟龍燭散度廣陵音。慘寫漁陽曲。別鶴悲不已。離鸞斷更續。尺素在魚腸。寸心憑鴈足。

爲人傷近不見

羸女鳳凰樓。漢姬柏梁殿。詎將勝仙死。音容猶可見。我有一心人。同鄉不異縣。異縣不成隔。同鄉更脉脉。脉脉如牛女。何由得一語。

爲何庫部舊姬擬薜蘿之句

出戶望蘭薰。褰簾正逢君。斂容纔一訪。新知詎可聞。新人含笑近。故人含淚隱。妾意在寒松。君心逐朝槿。

在王晉安酒席數韻

窈窕宋華容。但歌有清曲。轉盼非無時。斜扇遠相矚。詎減許飛瓊。絕勝劉碧玉。何因送款款。伴飲杯中醪。

爲人有贈

碧玉與緣珠。張盧復雙女。曼聲古難匹。長袂世無侶。似出鳳凰樓。言發瀟湘渚。幸有褰衣便。含情寄一語。

何生姬有怨

寒樹桺羈此。月映風復吹。逐臣與棄妾。零落心可知。寶琴徒七絃。蘭燈空柏枝。顰容不足效。啼粧拭復垂。同衾非楚越。異國非此離。鼓瑟曲有所思。

夜風吹熠熠。朝光照昔耶。幾銷薜蘿葉。空見蒲桃花。不堪長織素。誰能獨浣紗。光陰復何極。望促反成賒。知君亦蕩子。奈妾自倡家。

爲人寵姬有怨

可憐獨立樹。枝輕根亦搖。已爲露所浥。復爲風所飄。錦衾襞不開。端坐夜及朝。是妾愁成瘦。非君重細腰。

爲人自傷

自知心裏恨。還向影中羞。迴持昔慊慊。變作今悠悠。還君與妾珥。歸妾奉君裘。斷絃猶可續。心去最難留。

秋閨怨

斜光隱西壁。暮雀上南枝。風來秋扇屏。月出夜燈吹。深心起百際。遙淚非一垂。徒勞妾辛苦。終言君不知。

相逢行

張率

相逢夕陰階。獨趨向冠里。高門既如一。甲第復相似。憑軾日欲昏。何處訪公子。公子之所在。所在良未知。青樓出上路。漸臺臨曲池。堂上撫流徽。壘樽朝夕施。橘柚分寶葉。朱火燎金枝。兄弟兩三人。冠佩紛陸離。朝從禁門出。車騎並驅馳。金鞍瑪瑙勒。聚觀路傍兒。入門一顧望。鳬鵠有雄雌。雄雌各數千。相鳴戲羽儀。並在東西立。群次何離離。大婦刺方領。中婦抱嬰兒。小婦尚嬌稚。端坐吹參差。丈夫無遽起。神

鳳且來儀

對酒

對酒誠可樂。此酒復能醇。如華良可貴。如浮更非珍。何以留上客。爲寄掌中人。金尊清復滿。玉碗亟來親。誰能共遲暮。對酒及芳晨。君當歌未罷。却座避梁塵。

遠期

遠期終不歸。節物坐將變。白露濕單衣。秋風息團扇。誰能少離別。他鄉且異縣。浮雲蔽重山。相望何時見。寄言遠行者。空閨淚如霰。

贈內

徐悱

日暮想青陽。躡履出椒房。網虫生錦薦。遊塵掩玉牀。不見可憐影。空聞黼帳香。彼美情多樂。挾瑟坐高堂。豈忘離憂者。向隅獨心傷。聊因一書札。以代九迴腸。

鍾嶸曰：夫妻事既
可傷，文亦淒怨。
詩品

對房前桃樹詠佳期贈內

相思上北閣。徙倚望東家。忽有當窗樹。兼含映日花。芳鮮類紅粉。比
素若鉛華。更使心增意。彌令想狹斜。無如一路阻。脉脉似雲霞。嚴城
不可越。言折伐疏麻。

華觀省中夜聞城外擣衣

閨闔下重關。丹墀吐明月。秋氣城中令。秋砧城外發。浮聲繞臺雀。飄
響度龍闕。婉轉何藏摧。當佳上路來。藏摧意未已。定自乘軒裏。乘軒
盡世家。從麗似朝霞。圓璫耳上照。方繡領間斜。衣薰百和屑。鬢搖九
枝花。昨暮庭槐落。今朝羅縠薄。拂席捲鴛鴦。開幔舒龜鶴。金波正容
與。玉步依砧杵。紅袖往還縈。素腕參差舉。徒聞不得見。獨夜空愁伫。
獨夜何窮極。懷之在心側。階垂玉衡露。庭舞松風翼。瀝滴流星輝。燦
爛長河色。三冬誠足用。五日無糧食。揚雲已寂寥。今君復弦直。

和蕭記室春日有所思

芳樹發春輝。蔡子望青衣。水逐桃花去。春隨楊柳歸。楊柳何時歸。裊裊復依依。已蔭章臺陌。復掃長門扉。獨知離心者。坐惜春光違。洛陽遠如日。何由見宓妃。

春郊見美人

芳郊拾翠人。迴袖捲芳春。金輝起步搖。紅米發吹輪。湯湯蓋項日。飄飄馬足塵。薄暮高樓下。當知妾姓秦。

詠照鏡

晨輝照杏梁。飛燕起朝粧。留心散廣黛。輕手約花黃。正釵時念影。拂絮且憐香。方嫌翠色故。乍道玉無光。城中皆半額。非妾畫眉長。

陽春發和氣

日淨班姬門。風輕董賢館。卷耳緣家出。反舌登牆喚。蠶女桂枝鉤。遊

童蘇合彈拂袖當留客相逢莫相難

秋夜涼風起

佳人在河內征夫鎮馬邑零露一朝團中夜雨垂泣氣爽牀帳冷天寒針縷澀紅顏本暫時君還詎相及

採菱

妾家五湖口採菱五湖側王面不關粧雙眉本翠色日斜天欲暮風生浪未息宛在水中央空作兩相憶

鼓吹曲二首

巫山高

巫山光欲晚陽臺色依依彼美巖之曲寧知心是非朝霽觸石起暮雨潤羅衣願解千金佩請逐大王歸

有所思

上林鳥欲棲。長安日行暮。所思鬱不見。空想丹墀步。簾動憶君來。雷聲似車度。北方佳麗子。窈窕能迴顧。夫君自迷惑。非爲妾心妬。

同郭侍郎採桑

姚翻

鴈還高柳北。春歸洛水南。日照茱萸領。風搖翡翠簷。桑間視欲暮。閨裏遽飢蠶。相思君肋取。相望妾那堪。

和湘東王班姬一首

孔翁歸

長門與長信。日暮九重空。雷聲聽隱隱。車響絕籠籠。恩光隨妙舞。團扇逐秋風。鉛華誰不慕。人意自艱終。

答外詩二首

徐悱妻劉令嫺

花庭麗景斜。蘭牖輕風度。落日更新粧。開簾對春樹。鳴鸝葉中舞。戲蝶花間驚。調瑟本要歡。心愁不成趣。良會誠非遠。佳期今不遇。欲知幽怨多。春閨深且暮。

東家挺奇麗。南國擅容輝。夜月方神女。朝霞喻洛妃。還看鏡中色。比艷似知非。摛辭徒妙好。連類頓乖違。智夫雖已麗。傾城未敢希。題原無。

據玉臺新詠
箋注加。

奉和湘東王教班婕妤

何思澄

寂寂長信晚。雀聲哦洞房。蜘蛛網高閣。駁蘚被長廊。虛殿簾帷靜。閑階花蘂香。悠悠視日暮。還復拂空床。題原無。據玉臺新詠箋注加。

擬古

故交不可忘。猶如蘭桂芳。新知雖可悅。不異茱萸香。妾有鳳雛曲。非爲陌上桑。薦君君不御。抱瑟自悲涼。

南苑逢美人

洛浦疑迴雪。巫山似旦雲。傾城今所見。傾國昔曾聞。嬀服隨嬌合。舟唇逐笑分。風卷蒲桃帶。日照石榴裙。自有狂夫在。空持勞使君。